

La doturia **Margarete Mahlknecht é demez por ferias** dai 15 ai 30 de jügn y vëgn sostituida dal dot. Eduard Agreiter (0474 523 315 - 333 13 80 852).

SAN MARTIN Y LUNGIARÜ

Tl'injunta ala plata ciafëise n valgügn **pinsiers por la prozesciun de Jeunn** nia ma por chi che va en Jeunn, mo ince por chi chi che sta a ciasa.

Le massá dla **prozesciun de Jenn**, Lois Taibon, racomana da se vistí aladô da jí con crusc, da ne ciacolé nia tla prozesciun y da se comporté bun düc i trei dis.

Marcia Fracescana da Montone a Assisi dai 25 de messé ai 4 d'agost: Al va indô jogn y jones de dōta la Talia n'edema a pe a d'Assisi a festejé dailó la festa dl pordonn (Portiuncula). N grup de ca. 30-40 porsones pëia ince ia da Balsan, acompagná da patri franzescans. An passa fora por de bi posé, an prëia y fej deboriada de beles esperiënzes y an á dlaurela da se dé jö ince cun se instësc. An va indöt 6 dis a pe por ca. 5-6 ores al dé y an dorm te scores, convënc o sot al cil sarëgn. Le cost é de 280 euro. Jogn y jones dai 16 ai 40 agn é dër bel'inviá da se lascé ite te n'esperienza da ne se desmentié nia plü! Info plü menüdes pro pater Ulrich tl convënt di franzescans a Porsenù (ulrich.rauch@franziskaner.at o 0472 836325) o da Renate Valentini (renate@valentini.cc)

SAN MARTIN

Incö, domënia Dles Antles junse domisdé dales 13.30 dala Cialciara demez en prozesciun sö La Crusc olach'i tignun na zelabrazium dla Parora de Di.

Human Economy (**Economia y scioldi che ti é d'ütl ala jënt, ala natöra y ala tera**). Referat de dr. Paul Kircher en dedemesaledema, ai 10 de jügn, dales 20.00 - 21.30 tl Istitut Ladin a San Martin. Scioldi - düc n'adora y ma püc nen n'á. Info plü avisa sön www.humaneconomy.it/deutsch.

Conzert dla Scora de Musiga tl Istitut Ladin a San Martin en vëndres ai 12 de jügn, dales 17.00. Al cianta y sona i scholars dla Scora de Musiga dla Val Badia. Düc é inviá.

Nos dla Val Badia ch'i compliun en chësta ota 55 agn, orun se recordé en sabeda ai 20 de jügn de nosta bele eté. Dales 13.30 piunse ia a pé da San Linert por jí sö La Crusc, olach'i tignun dales 16.00 na Liturgia dla Parora. Sambëgn pon ince jí sö cun le lift o jí da n'atra pert pomez. Dales 19.00 nes aspeta na buna cëna cun musiga dal ví tl Garní Ciasa Urban a Pedraces. Deach'i ne ciafëis degun invit personal, é l'important ch'i dëise inant chësta informaziun ai/les "classuns/es". Prenotaziuns por la cëna cina ai 14 de jügn pro Paula: mail paulaagreiter@hotmail.it, SMS, WhatsApp, tel. 338 18 07 072 .



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

07.06.- 14.06.2015 nr. 28

termo da publiché: jöbia 20.00
radio: 90,40 / 93,70



FESTA DLES ANTLÉS

Vangele: Merch 14,12-16.22-26

Gejù ti â dit ai discepu :

Olâ dessun pa t'arjigné ca le past da Pasca?

Dailò àl ortié dui discepu danfora y ti à dit:

Jide tla cité, dailò ves gnaral adincuntra n'èl che porta n bochè d'ega.

Jidi do cina ch'al va te na ciasa; spo dijedi al patrun de ciasa:

Le maester te damana:

Olâ é pa le salamënt olach'i po mangé cun mi discepu l'agnel da Pasca?

Y le patrun ves mostrarà n gran salamënt söalt tapezè fora cun plomac, che é bele arjigné ca por le past da festa.

Dailò arjignede ca le past da Pasca!



Olâ é pa le salamënt olach'i po mangé cun mi discepu l'agnel da Pasca?

Chësta é la frasa olach'i sun taché cun mi pinsiers. Al é sciöche Gejù damanass: Olâ é pa le post de mia dediziun y de mia trasformaziun?

Olâ é pa le post por la conferta confidenziala de Gejù cun sü discepu, sü scholars, cun le cërtl de sü prelitá? Olâ é pa le post de Dî? Olâ unse pa nos lerch por Idî? Idî á debojëgn de lerch olach'i podun le ciafé, l'incunté, fá conferta impara.

Les Antlés é la festa olach'i se recordun che Idî é gnü cern y sanch te nosc monn y te nosc tëmp.

En chësc dé da festa, söl pröm isté, olache döt mëna, olache la natöra nes dá n'idea dla lominosité y dla vita en abundanza, nes vëgn Idî adincuntra. Forsc ciafel te nos lerch y dlaurela, ch'i podunse l'incunté y le pié ite, y ciafé da d'èl l'impormetüda de so lominus y de süa vita en abundanza.

	SAN MARTIN		LUNGIARÜ
07.06.15 FESTA DLES ANTLÊS	7.30 Corona por + Corrado Castlunger 8.00 Mëssa solëna dla comunité 13.30 Prozesciun ex voto sô La Crusc dala Cialciara demez	07.06.15 Domënia	9.30 Mëssa solëna dla comunité Prozesciun eucaristica 15.00 Corona tla Capela da Seres
08.06.15 Lönesc Medard, Helga, Engelbert		08.06.15 Lönesc	
09.06.15 Dedolönesc Efrem, Vinzenz, Colomba, Grazia	19.30 Mëssa aniv. Rosalia Ploner aniv. Maria Baldissera en onú de Gianna Berretta Molla	09.06.15 Mertesc	
10.06.15 Dedemesaledema Heinrich da Balsan, Diana,		10.06.15 Mercui	7.30 Mëssa aniv. Maria Dporta, Grones + Veronica Schanung aniv. Giovanni Campeï + Lola Ambrosini
11.06.15 Jöbia Barnaba, Paula, Alice	7.30 Mëssa aniv. Maria Tolpeit + Giovanni Vanzi en onú de Sant Ujöp Frëinademetz Corona por vocaziuns y confesciuns 8.30 Prozesciun de Jeun	11.06.15 Jöbia	11.00 Prozesciun de Jeun
12.06.15 Vëndres Cör de Gejú Hildegard Burjan	8.00 Mëssa de dilan dla fin dl ann de scora aniv. Nando Flöss, Fles + Paul Vantsch en onú de San Cristofer 19.00 Adoraziun chîta 19.30 Devoziun al Cör de Gejú	12.06.15 Vëndres	9.30 Mëssa de dilan dla fin dl ann de scora + Anna Chiusura + + + Pire, Linda y Gabriele Clara por les Animes
13.06.15 Sabeda Cör de Maria Antone da Padua	15.30 Mëssa tla Ciasa de Palsa ca. 15.30 Rôia adalerch la prozesciun de Jeunn 18.30 Mëssa prefestia families de Martin Rives families de Otto Erlacher + + dla fam. Frenner	13.06.15 Sabeda	20.00 Mëssa prefestia aniv. Sabina Clara aniv. Caspar Clara, Balzé aniv. Vito Clara ca. 13.00 Rôia adalerch la prozesciun de Jeunn
14.06.15 FESTA DL CÖR DE GEJÚ	9.00 Adoraziun al Cör de Gejú 9.30 Mëssa solëna por la comunité Prozesciun eucaristica	14.06.15 Domënia	8.00 Mëssa solëna dla comunité 14.00 I jun por le tru di crisć dala dlijia demez